



Broj: 02-11-3373/21
Datum: 26-07-2021. godine

Na osnovu člana 70. stav 1. Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04), na prijedlog Komisije za javne nabavke, imenovana rješenjem broj: 10-45-137/21 od 01.07.2021. godine, u daljem tekstu: Komisija, Opštinski načelnik d o n o s i :

O D L U K U **o izboru najpovoljnijeg ponuđača**

- I.** Ponuda „**AERO EXCLUSIVE**“ d.o.o. Sarajevo, ul. Kolodvorska 12, Sarajevo, broj: JN-5-7/21 od 21.06.2021. godine, sa ukupnom cijenom u iznosu od **18.251,30 KM bez PDV-a** odnosno **21.354,02 KM sa PDV-om**, za javnu nabavku didaktičkog materijala za vrtiće sa područja Općine Centar Sarajevo, putem konkurentskog zahtjeva za dostavu ponuda uz primjenu e-aukcije, prihvata se za dodjelu ugovora.
- II.** Ponuđači će o prihvatanju ponude iz stava I. ove odluke, biti obaviješteni najkasnije u roku od sedam dana od dana donošenja Odluke.
- III.** Obavezuje se ponuđač iz stava I dispozitiva, da u roku od pet dana od dana prijema ove odluke, neposredno na protokol ovog organa, dostavi dokumente kojima se dokazuje ispunjavanje uslova iz tačke III. tenderske dokumentacije (uslovi za kvalifikaciju ponuđača), u originalu ili ovjerenoj kopiji.
- IV.** Ova odluka će biti objavljena na internet stranici Općine Centar Sarajevo: www.centar.ba, istovremeno sa dostavljanjem svim ponuđačima, shodno članu 70. stav (6) Zakona.

O b r a z l o ž e n j e

Konkurentski zahtjev za dostavu ponuda za nabavku didaktičkog materijala za vrtiće sa područja Općine Centar Sarajevo, pokrenut je Posebnom odlukom Općinskog načelnika broj: broj: 02-11-3373/21 od 17.06.2021. godine.

Shodno Zakonu, objavljeno je obavještenje o nabavci putem konkurentskog zahtjeva za dostavu ponuda, na internet portalu E-nabavke, broj obavještenja: 848-7-1-106-3-55/21 od 18.06.2021. godine.

U roku za dostavljanje ponuda određenom u tenderskoj dokumentaciji, dana 05.07.2021. godine do 12,00 sati, na adresu ovog ugovornog organa pristigle su 2 (dvije) ponude ponuđača: „FLEX INVEST“ d.o.o. Sarajevo i „AERO EXCLUSIVE“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda kako slijedi:

r/b	Ponuđač	Ukupna cijena ponude u KM bez PDV-a	Ukupna cijena u KM sa PDV-om
1.	„FLEX INVEST“ d.o.o. Sarajevo	27.564,00	32.249,88
2.	„AERO EXCLUSIVE“ d.o.o. Sarajevo	16.983,00	19.870,46

Nakon izvršenog javnog otvaranja ponuda, na zatvorenom sastanku Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je kontaktovano da su ponude sačinjene potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije ponuda i Zakonom. Prilikom računske kontrole ponude ponuđača „AERO EXCLUSIVE“ d.o.o. Sarajevo, utvrđena je računska greška tako da nakon ispravke ukupna cijena ponuđene ukupne cijene sa PDV-om od 16.983,30, treba da iznosi ispravno 18.251,30 bez PDV-a odnosno 21.354,02 KM sa PDV-om. Dana 09.07.2021. godine, Komisija je od navedenog ponuđača zatražila saglasnost za ispravku računske greške u ponudi. Ponuđač „AERO EXCLUSIVE“ je dana 09.07.2021. godine svojim aktom broj: 996/21, dao saglasnost Komisiji na ispravku pomenute računske greške u ponudi.

Dana 09.07.2021. godine, Komisija je zatražila od ponuđača „AERO EXCLUSIVE“ d.o.o. Sarajevo pojašnjenje neprirodno niske cijene, obzirom da je ponuda navedenog ponuđača više od 20% niža od ponude drugorangiranog ponuđača.

Dana 12.07.2021. godine, navedeni ponuđač je dostavio pojašnjenje neprirodno niske cijene u kojem navodi sljedeće:

„U skladu sa formiranjem izlaznih cijena u tenderskim postupcima kao i poslovnom politikom firme stojimo iza ponudjenih cijena za stavke koje su navedene u Vašem dopisu.

Takodjer, izjavljujemo da ćemo ukoliko pristupite zaključivanju Ugovora sve stavke koje su dio tehničke specifikacije pomenutog postupka isporučivati po cijenama koje smo naveli u svojoj ponudi. Kako smo jedan od većih distributera artikala didaktičkog materijala, školskog programa, potrošnog školskog materijala, materijala za opremanje vrtića, igraona i sl., kao i artikala koji se koriste u kancelarijskom poslovanju, te da najveći dio roba koje su predmet nabavke, kupujemo direktno od proizvođača tih roba, prirodno je da na osnovu dugogodišnjih Ugovora o saradnji imamo izuzetno povoljne uslove nabavke na osnovu kojih te artikale možemo plasirati na tržište po veoma povoljnim cijenama.

Također zbog velikog prometa određenih artikala koje nabavljamo od lokalnih dobavljača te na osnovu dugogodišnje saradnje za takve vrste roba imamo povoljnije uslove nabavke u odnosu na druge njihove kupce i potencijalne ponuđače.

Ponuđene cijene smo formirali ba osnovu našeg „Pravilnika o formiranju cijena“ u tenderskom poslovanju s ograničenim maržama na iste.

Shodno tome, a u skladu sa Vašim zahtjevom dostavljamo Vam kalkulacije cijena za ponuđene artikale koja dokazuje ekonomsku opravdanost naše ponude i sadrži informacije o relevantnim sastavnim dijelovima ponude uključujući elemente cijena i kalkulacije.

Naša kalkulacija obezbjeđuje da u slučaju izvršenja Ugovora ponuđenim cijenama pokrivamo nabavnu cijenu robe, troškove logistike i administracije i sve zakonom propisane poreze i dadžbine.

Prema našem Pravilniku o formiranju cijena i Protokolu kretanja dokumentacije svi dokumenti koji sadrže podatke vezane za nazive dobavljača i nabavne cijene spadaju u dokumente poslovne tajne pa Vas molimo da to imate u vidu u daljem postupku ocjene ponuda.

Komisija je razmotrila navedeno pojašnjenje niske cijene ponuđača „AERO EXCLUSIVE“ d.o.o. Sarajevo te navode ocijenila kao opravdane, naročito s obzirom na činjenicu da je ponuđač u prilogu dostavio i određenu poslovnu dokumentaciju iz koje se mogu vidjeti i nabavne cijene određenih artikala iz ponude.

Predviđena E-aukcija u predmetnom postupku održana je dana 16.07.2021. godine sa početkom u 14,00 sati.

E-aukcija je završena u 14,10 sati. U toku održane e-aukcije ponuđači nisu podnosili nove ponude.

Prilog: Izvještaj o toku i završetku e-aukcije sa portala javnih nabavki.

Nakon održane e-aukcije izvršeno je rangiranje ponuda ponuđača koji su učestvovali u e-aukciji kako slijedi:

r/b	Ponuđač	Ukupna cijena ponude u KM bez PDV-a nakon e-aukcije
1.	„AERO EXCLUSIVE“ d.o.o. Sarajevo	18.251,30
2.	„FLEX INVEST“ d.o.o. Sarajevo	27.564,00

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača **„AERO EXCLUSIVE“ d.o.o. Sarajevo, Kolodvorska 12, Sarajevo**, sa ukupnom cijenom ponude u iznosu od **18.251,30 KM bez PDV-a** odnosno **21.354,02 KM sa PDV-om**, za javnu nabavku didaktičkog materijala za vrtiće sa područja Općine Centar Sarajevo.

Općinski načelnik je prihvatio Izvještaj i preporuku Komisije za javne nabavke, o čemu je donio ovu Odluku, shodno članu 70. stav (1) Zakona.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH Filijala Mostar, putem ugovornog organa (Općina Centar Sarajevo), najkasnije u roku od 5 (pet) dana od dana prijema iste, shodno članu 101. stav (5) Zakona.

Naknada za pokretanje žalbenog postupka iznosi 500,00 KM shodno članu 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od tri, shodno članu 99. stav (2) Zakona.



Prilog: Zapisnik o pregledu i ocjeni ponuda
Broj: 02-11-3373/21 od 19.07.2021.godine

DOSTAVITI:

1. Ponuđačima:
„FLEX INVEST“ d.o.o. Sarajevo, Vilsonovo šetalište 10, Sarajevo
„AERO EXCLUSIVE“ d.o.o. Sarajevo, Kolodvorska 12, Sarajevo
2. Službi za javne nabavke, zajedničke poslove i informatiku
3. Službi za boračko-invalidsku, socijalnu zaštitu i društvene djelatnosti
4. Arhivi

